

# CANONES

## CONGREGATIONIS

### GENERALIS

#### OCTAVÆ.

*Authoritate eiusdem confecti & recogniti ,  
sess. 128. die 13. Aprilis.*



**M**UNUS docendi grammaticam, & litteras humaniores, eo fine ac modo, quo Societas suscepit docendas; proprium est ipsius ministerium, nec certo temporis spatio

*Munus docendi.*

definitum, nec certis personis addictum: sed, quandiu Superioribus in Domino videbitur, etiam à Sacerdotibus, atque etiam Professis, exercendum, *ex Dec. 8. in MS. sess. 56.*

**2.** Cogantur Congregationes Provinciales quolibet triennio, more solito: & in tertio, quo post ultimam Generalem coacta fuerit; eligantur Deputati Romam ituri cum suo Provinciali ad Congregationem Generalem, ex Constitutione Summi Pontificis, quolibet nouennio conuocandam. *ex Dec. 10. MS. sess. 59.*

*Cogantur Congregationes Generales more solito.*

A

Ab-

*Non electo  
Superiore,  
loco ipsius  
Minister.*

3 Absente vel moriente Superiore alicuius loci, huius cura ad Ministrum pertinet: etiam in Domibus Professis, quamuis ipse Professor non sit. Licebit nihilominus Superiori, cum Domo aut vita excedit, alium nominare, qui eam curam habeat: si Prouincialis citò moneri non possit, aut alia grauis causa id suadeat. ex Dec. 20. in MS. sess. 84.

*Renouatio  
Votorum po-  
test habere  
vim primæ  
nuncupatio-  
nis.*

4 Quod in Constitutionibus dicitur: *Renouare Vota*, non est obligatione noua se obstringere; sed eius, qua obstricti sunt, recordari: intelligendum est (vt hactenus intellectum fuit), quando renouatio priori superuenit obligationi: non verò quando nullam inuenit obligationem. Et hoc ipsum in Regulis Magistri Nouitiorum exprimendum est: & ab eodem Magistro apertè explicandum. Nouitijs, cum Vota post biennium debent emittere. Vt intelligant, renouationes Votorum, à se deinceps de more Societatis faciendas, habere vim primæ nuncupationis: si fortè, ex defectu ætatis, biennij, alijsque similibus, iam cessantibus, prima Vota vim suam non obtinuerint. ex Dec. 22. in MS. sess. 85.

*Absolutio re-  
seruatorum,  
in paruis  
Collegijs &  
Residentijs.*

5 Cum in paruis Collegijs, aut Residentijs, in quibus quatuor aut quinque morantur ex nostris, difficile possit Confessarius saluo sigillo ad Superiorem recurrere pro facultate absoluendi à reseruatoris; absoluat cum onere præsentandi se Prouinciali, aut alteri Superiori, si breui sit in eius Collegium.

## Congregationis Generalis. 3

gium aut Domum discessurus. ex Dec. 25. in MS. sess. 88.

6 Professio emissa in manibus alicuius Prælati, cui honoris causa Prouincialis id detulit, cum ipse præsens esset, vel præsentem alios Professos haberet; nullius est valoris, ob defectum potestatis in admittente. Quia facultas Prouincialibus delegata, ex Generalium intentione, non semel eorundem responsis expressa, ad eiusmodi casum non extenditur. ex Dec. 34. in MS. sess. 97.

*Professio in manibus Prælati.*

7 Facultas absoluendi à reſeruatis Superiores locales, si quando (quod Deus avertat) in aliquem inciderent; committatur liberè uni ex Confessarijs Collegij vel Domus, à Prouinciali designato. ex Dec. 25. in MS. sess. 88.

*Absolutio reſervatorum quoad Superiores locales.*

8 Denique similis facultas, absoluendi Prouincialem eius Socio absolute conceditur. ex Dec. 25. in MS. sess. 88.

*Quoad Prouincialem.*

9 Prouinciales, sine Generalis dispensatione, non habent facultatem admittendi ad Probationem ante 15, nec ad Vota Societatis ante 17. expletos annos: ita ut irritum sit, defectu potestatis, quidquid contra fuerit factum. ex Dec. 35. in MS. sess. 103.

*Quando Prouincialis admittet ad probationem.*

10 Examinatores ad Professionem, suo in suffragio explicent, an saltem mediocritatem attingant illi, qui non habent tantum doctrinæ, quantum necessarium est ad Professionem quatuor Votorum. Ut videant

*Examinatores ad Professionem explicent suffragium.*

Superiores, num habenda sit ratio aliorum talentorum. *ex Dec. 37. in MS. sess. 104.*

*De iuramento circa aptitudinem docendi.*

11 Quod dicitur in formula iuramenti eorumdem Examinatorum de doctrina necessaria ad Philosophiam ac Theologiam, cum satisfactione docendam: intelligendum est in ijs locis, in quibus est idoneorum auditorum ac disputantium concursus. *ex Dec. 37. in MS. sess. 104.*

*Suffragia quoad Professionem, et Theologiam*

12 Nemo deinceps cēseat habere doctrinam necessariam ad Professionem quatuor Votorum, qui non tulerit quatuor Examinatorum tria suffragia clara, & minimè dubia. Totidemque requirantur, vt auditores Theologiz à secundo ad tertium, & à tertio ad quartum annum pergere possint. Nam, vt à primo ad secundum transeant, duo sufficient. *ex Dec. 37. in MS. sess. 47.*

*Theses pro Professione.*

13 In examine ad Professionem assignandæ sunt Theses à Superiore cum Præfecto: & omnibus ad se se parandos præscribendi quatuor menses: ultra quos si differatur examen, Conclusiones ab eodem Superiore cum Præfecto mutandæ erunt. Singuli autem ( licet non necessario à singulis) tam in Philosophia quàm in Theologia, examinandi erunt. *ex Dec. 37. in MS. sess. 128.*

*Mediocrates in Theologia*

14 Prouinciales statuere possunt, vt qui in Theologia mediocritatem attigerint, in eo studio progrediantur: modò præclara ad gubernandum, aut concionandum, talenta ha-

## Congregationis Generalis. 5

habeant . *ex Dec. 37 in MS. fefs. 128.*

15 In examine Metaphysicorum, quin- *Examen*  
que de eorum doctrina iudicium ferent : & *Metaphysi-*  
necessaria erunt tria suffragia , vt ad Theo- *corum .*  
logiam admittantur . *ex Dec. 37. in MS.*  
*fefs. 128.*

16 Superiores locales nemini ab exer- *Exercitia*  
citijs spiritualibus, quotannis per octiduum *spiritualia .*  
obeundis, immunitatem dare possint : & soli  
Prouinciales rationes audiant , quibus ali-  
quis videatur excusandus . *ex Dec. 38. in MS.*  
*fefs. 106.*

17 Puncta matutina Meditationis om- *Puncta Me-*  
nibus Fratribus Coadiutoribus dentur à *distationis*  
Præfecto rerum spiritualium, vel alio à Su- *pro Fratri-*  
perioribus designato . *ex Dec. 38. in MS.*  
*fefs. 112.*

18 Facultas commutandi legata , vel *Commuta-*  
etiam à viuentibus donata, de qua est men- *io Legato-*  
tio in Comp. Priuil. V. Commutatio , §. 4. *rum .*  
reternatur Generali . *ex Dec. 41. in MS.*  
*fefs. 115.*

19 Mortuo, vel legitime impedito , & *Mortuo, vel*  
declarato , durante Congregatione Prouin- *impedito e-*  
ciali, aliquo ex electis pro Congregatione *lecto pro*  
Generali; eligendus est alius, postremo loco *Congrega-*  
substituendus . *ex Dec. 42. in MS. fefs. 116.* *tione Gene-*  
*rali.*

20 Officium & autoritas Superiorum *Triennium*  
localium , atque adeò triennium eiusmodi *Superiorum*  
Præfecturis definitum ; inchoatur à die an- *localium.*  
thenticæ renunciationis ipsorum in Colle-

## 6 Canones Octauæ

gio, vel Domo, quibus præficiuntur: siue ipsi præsentés sint, siue absentes. *ex Dec. 43. in MS. sess. 116.*

*Dimissiones  
quoad Vica-  
rium.*

21 Mortuo Generali, Vicarius habeat potestatem dimittendi e Societate Professos, & Formatos: quæ non nisi ex causis grauissimis, & ad plura cum Assistentibus suffragia: vti possit. *ex Dec. 46. in MS. sess. 125.*

*Procurator  
Generalis  
supra nume-  
rum.*

22 Procurator Generalis Societatis, in Congregatione Prouinciali suffragium actuum habeat supra numerum. *ex Dec. 48. in MS. sess. 125.*

*Congregatio  
Prouincialis*

23 Ex omnibus Superioribus Residentiarum Indicarum (quas alicubi vocant Doctrinas) ei, qui primariam, Prouincialis iudicio designandam, administrat: liceat adesse Congregationi Prouinciali supra numerum, quando iure antiquitatis interesse non potest. *ex Dec. 51. in MS. sess. 126.*

*Congregatio  
Prouincia-  
lis,  
Iudicium  
de impedi-  
mentis.*

24 Idipsum, & eadem ratione, conceditur Superiori totius Missionis Hollandicæ. *ex Dec. 51. in MS. sess. 126.*

25 Cum Prouincialis cum suis Consultoribus, qui aderunt. & ceteris omnibus præsentibus, qui in Congregatione Prouinciali ius suffragij habent (excluso iuxta formulam eo, de cuius impedimento agitur, & in posterum etiam eo, qui proximè subrogandus est, si prior impeditus censeatur) iudicat, impedimentum adeundi Congregationem Generalem esse legitimum, & adesse con-

## Congregationis Generalis . 7

congruum tempus ad hoc ipsum iudicium de impedimento ferendum; tali iudicio acquiescendum est, nec censendum, ius vllum ad Congregationem Generalem, aut Procuratorum, sic iudicatis relinqui: vti etiam, qui ab adeunda Congregatione Prouinciali prædicto modo censentur impediti, omni iure exidunt ad eam accedendi: & , si re ipsa veniant, admitti non debent. *ex Dec. 52. in MS. sess. 28.*

26 Procuratores Indiarum, qui in Prouincijs Lusitaniæ, ac Bæticæ commorantur; minimè admittendi sunt ad Congregationem Prouincialem pro Generali futura conuocatam, eo solum nomine, quòd Procuratores sunt. At vero admitti debent, si sint quatuor Votorum Professi: & ratione antiquitatis haberent ius suffragij in illis Prouincijs, in quibus versantur, & in suis etiam si adessent. *ex Dec. 53. in M.S. sess. 128.*

*Qui admitti non debeant in Congr. Prouinciali.*

27 Prouinciales facultatem habent faciendi contractus in bonum Prouinciæ, vel Collegiorum, aut Residentiarum suarum: sicque intelligenda est Regula Prouincialis 9. At, quàmuis id valide possunt; nullo tamen modo facere debent, contradicente, aut etiam inconsulto Superiore locali, nisi vrgens necessitas contrarium suaderet: in quo casu, monere debebunt Generalem, quas ob causas id fecerint. *ex Dec. 54. in MS. sess. 128.*

*Contractus quoad Prouinciales.*

# 8 Canones Octauæ

*Declaratio  
Cap. primi  
§. 14. Ord.  
Generalis*

28 Quod præscribitur cap. 1. §. 14. Ordin. General. Collegia, quæ possunt alere 12. Scholares, nullas eleemosynas admittere posse: non aliam obligationem, quàm simplicis Constitutionis, inducit. ex Dec. 59. in MS. sess. 128.





# CANONES

## CONGREGATIONIS

### NONÆ

### GENERALIS.



VI Societatem, eiusque *Perturbato-*  
vinendi, aut gubernandi *res Societa-*  
modum, vel Superiores, *tis.*  
libellis scriptis, aut im-  
pressis traducunt: qui-  
que ita palam, ac passim  
de Instituto obloquun-

tur, vt cenferi possint velle alios in suam  
sententiam pertrahere, Societatis perturba-  
tores & pœnis in perturbatores constitutis  
obnoxij censeantur. Idem statuendum de  
ijs, qui per factiones, & auxilia externorum,  
nouas Prouinciaram diuisiones extorquere,  
aut legitimas impedire conantur. *Ex Dec. 5.*  
*& 25. in MS. Añ. 12. & 27. & 37.*

1 Fugitiui Societatis ipso facto excom-  
municationem incurrunt. *Ex Dec. 27. in MS.*  
*Añ. 39.*

3 Professi omnes, vi voti, quod emit-  
tunt, denunciandi ambientes, tenentur ad  
denunciandos omnes, etiam non Professos.  
*Ex Decr. 13. in MS. Añ. 17.*

*Fugitiui ex*  
*communica*  
*ti ipso facto*  
*Professi te-*  
*nentur ad*  
*denuncian-*  
*dos ambien-*  
*tes, etiam non*  
*Professos.*

Præ-

# 10 Canones Congregationis

*Præcepta Superiorum  
durent donec reuocentur.*

4 *Præcepta* in virtute S. Obedientiæ particularibus personis imposita, mortuis, vel officio defunctis ijs, qui imposuerant, vim suam retinent, donec à Successoribus, vel eorum Superioribus reuocentur. Monentur tamen Superiores, ne sine graui causa talia præcepta imponant. *Ex Dec. 12. in MS. Añ. 17.*

*Casus referuati.*

5 Intelligant Nostri, casus omnes in Decreto Clementis VIII. referuari permisos, esse, & hæcenus fuisse in Societate referuatos. *Ex Dec. 43. in MS. Añ. 39.*

*Declaratio authentica Superiorum.*

6 Authentica Superioris declaratio, unde triennium incipit, si in loco, vbi præfici-  
tur, fieri non possit, & necessitas urgeat; fiat vbi maior pars subditorum reperitur: vel, si id nequeat, vbi Prouinciali videbitur. *Ex Dec. 10. MS. Añ. 15.*

*De Prouinciali inutili, intra Europam.*

7 In Prouincijs Europæ, extra Italiam, & Insulas adiacentes constitutis, si Prouincialis inutilis ad gubernationem Prouinciæ indubitato omnium Consultorum iudicio, censeatur, nec possit, aut velit Vice-Prouincialem nominare, regendam Prouinciã suscipiat, qui de iure mortuo succederet: qui tamen in iudicio eiusmodi, etiam si Consultor sit, locum non habebit. Ad Consultores, si absint à loco, vbi Prouincialis degit, Superior eiusdem loci, & Socius Prouincialis informationem mittet. *Ex Dec. 11. in MS. Añ. 16.*

*De Prouinciali, vel Visitatore inutili, in Indijs.*

8. §. I. In Indijs, si eiusmodi casus accidat, Visitator de tota re, auditis Consultoribus,

bus,iudicet:nullo autem Visitatore existente,Consultoribus addantur röt Professi antiquiores præsentés , aut vicinióres , quot ad conficiendum septenarium necessarij erunt: monente ceteros Socio Prouincialis,vel,si is absit,inter præsentés Professos antiquissimo.

§. 2 De Visitatore , in simili calu, totidem eodé modo iudicent:inter quós,quoad fieri poterit,sit Prouincialis (cum vnico tamen suffragio) cuius erit monere ceteros : eique iudicio omnes Prouinciæ , quarum Visitator est, acquiescant.

§.3 Vt verò Prouincialis in hoc iudicio, seu Visitator censeatur inutilis , quinq; saltem consentire debent: quo casu,aperiantur ab ijsdem literæ sequentis gubernationis, & executioni mandentur: quæ si nullæ sint, in Prouincialis munere succedet, qui de iure debet:Visitatoris verò munus omnino cessabit. *Ex Dec.40. in MS. Ait. §5.56.*

9 Munus illud ordinarium , quo Congregatio VII.Decreto 72. MS.ait aliquem, alicui Prouinciæ à Patre Nostro applicari ; est quodcunque Societatis fixum , & stabile ministerium, ab eodem impositum, ad eam ramen Prouinciã, cui sit applicatio , propriè spectans : siue ad definitum tempus imponatur , quale est Prouincialis, Præpositi, Rectoris &c.siue ad tēpus indefinitum, quale est munus Procuratoris, Lectoris Theologiæ &c. Absoluto autem munere, quod præfixum

*Declaratio  
Muneris ordinarij.*

12 **Canones Congregationis**  
fixum à iure vel consuetudine terminum ha-  
bet; applicatio cessabit: ex mutatione aliorum  
non item. *Ex Dec. 33. in M.S. Aët. 46. 47.*

*V. Præpositi  
vel V. Re-  
ctores non  
succedunt  
Prouinciali  
moriendi.* 10 Mortuo Prouinciali sine designatione  
V. Prouincialis, non succedet illi V. Præposi-  
tus, aut V. Rector maximi Collegij: sed suc-  
cedent alij, quibus id de iure competit, ac si  
ipsi non essent. *Ex Dec. 35. in M.S. Aët. 48.*

*De Electori-  
bus Vicarij* 11 Mortuo Generali sine nominatione  
Vicarij, ius eligendi Vicarium habent Pro-  
fessi, qui apud Generalem sunt, hoc est, qui  
in eadem Vrbe fuerint. In eiusmodi verò  
electione Assistentes, quotquot præsentibus  
ibidem aderunt, seclusa etiam Professionis  
antiquitate, locum intra numerum habent.  
*Ex Dec. 34. in M.S. Aët. 47.*

*De supplen-  
do loco Pro-  
uincialis ab  
sentis in  
Congr. Gen.* 12 In Congregatione Generali, absente  
ab initio quacunque ex causa Prouinciali,  
in eius locum succedat ex præsentibus Ele-  
ctoribus, & inter Prouinciales sedeat, qui de  
iure illi mortuo succederet: seruato tamen  
loco Prouinciali, & cuicunque alteri potius  
ius habenti, si postea aduenerit. *Ex Dec. 16.  
in M.S. Aët. 21.*

*De Procura-  
toribus In-  
diarum.* 13 Procuratores Indiarum, quamdiu ex  
consensu Patris Nostri in Europa mãserint,  
officium retinebunt, & ius ad Congregatio-  
nes Generales, etiam si vni interfuerint. At,  
vbi alius Procurator ex eadem Prouincia  
aduenerit, prioris procuratio cessabit, & om-  
ne ius, quod illi competit, vt Procurator est,  
ab.

abstrahendo ab omni alio iure si quod est.

*Ex Dec. 36. in M.S. Act. 49. & 52.*

14 Subrogatio in locum absentis in Cōgregatione Prouinciali locum habeat, donec omnes omnino electiones perfectæ sint, etiā Substitutorum. *Ex Dec. 9. in M.S. Act. 15.*

*Subrogatio  
in locum ab  
sentis in  
Congr. Prou*

15 Assistentes officio perfuncti ad Cōgregationes omnes Prouinciales suæ Assistentiæ admitti debent, etiam si fortè per antiquitatem Professionis locum in illis non haberent: sed in hoc tamen casu, extra numerum. *Ex Dec. 15. in M.S. Act. 20.*

*De Assisten  
tibus officio  
defunctis.*

16 Visitator, Generali demortuo, si adire voluerit Congregationem Prouinciæ, in qua tum fuerit, extra numerum ingrediatur. Admitti verò in illam tum solum debet, quando & in illa Prouincia, si ex ea esset, suffragij ius ratione Professionis haberet, & in sua itidem, si adesset. Rediens ad suam, non nisi posita Professionis antiquitate, & intra numerum, in Congregatione locum habebit. *Ex Dec. 28. in M.S. Act. 39. & 30.*

*De iure Vi  
sitoris ad  
Congr. Prou*

17 Si contingeret aliquem esse reum de ambitu in Congregatione Prouinciali, Iudicum sententiæ sine appellatione acquiescere debet: de iniuria tamen (si factam sibi existimet) licebit illi apud P. Generalem exposulare. Recusans aliquos ex Iudicibus ordinarijs, à reliquis (vocatis in recusatorum locum totidem antiquioribus Professis) de recusandi causa audiatur, & si hæc iusta videbi-

*De appella  
tione, vel re  
cusatione  
Iudicum in  
Congr. Prou*

# 14 Canones Congregationis

bitur, ab ijsdem de ambitu iudicetur : alio-  
qui, ad Iudices designatos in Formula reij-  
ciatur. *Ex Dec. 20. in MS. Añ. 26.*

*Informatio-  
res quatuor  
tantum.*

18 Cum vñs habeat, vt ad informatio-  
nestam ad gubernandum, quàm ad gradus,  
quaterni tantum Informatores adhibean-  
tur; hic numerus retineatur. *Ex Dec. 37. in  
MS. Añ. 49.*

*Proponendi  
ad Professio-  
nem Votorũ  
quatuor su-  
perent me-  
diocritatem  
in virtute.*

19 In conficiendis informationibus ad  
gradum, illud accuratè ab omnibus expen-  
datur, an is, de quo agitur, in virtute medio-  
critatem excedat, deque eo capite, priuatis  
in literis, Prouincialis, & Consultores distin-  
ctè Patri Nostro præscribant. Excedere au-  
tem ille tantum censendus est, qui vt pluri-  
mum secundum virtutem operatur, & puta-  
tur in difficilioribus idem seruaturus, lenio-  
res culpas vitat, admonitiones, & pœniten-  
tias libenter sustinet, ijsque corrigitur, Supe-  
rioribus denique, ac domesticis, in moribus  
satisfacit. *Ex Dec. 6. in M.S. Añ. 13.*

*Tempus pro-  
ponendi ad  
Professionẽ  
Votorum  
quatuor.*

20 Prouinciales ordinaria lege in pro-  
ponendis ad Professionem quatuor votorum  
hanc regulam obseruabunt : Vt eos, qui an-  
te ingressum in Societatem studia omnia  
absoluerunt, ante decimum annum curren-  
tem; eos verò, qui studia omnia in Societa-  
te peregerunt, ante decimumseptimum an-  
num currentem, non proponant, neque vltè-  
riùs differant. Reliquos, qui studia Philo-  
sophiæ, aut Theologiæ partim ante ingres-  
sum

## Nonæ Generalis . 15

sum in Societatem, partim in Societate decurrerint, intra prædictos duos terminos, citius, aut tardius proponant, pro ratione annorum integrorum, quibus ante ingressum supradictis studijs operam dederint. *Ex Dec. 42. in M.S. Act. 57.*

21 Quotidianis Sanctorum Litanij Hymnus Ave maris stella, Antiphona Sub tuum præsidium, Oratio Defende, &c. adiungantur. *Ex Dec. 7. in M.S. Act. 13.*

*Cultus quotidianus B. Virg.*

22 In Missis, ac Vesperis, quando cantantur in nostris Ecclesijs, in Sacramento- rum administratione, & alijs Officijs Ecclesiasticis, ritus ubique Romanus seruetur, ita ut nihil illi contrarium fiat. *Ex Dec. 19. in M.S. Act. 26.*

*Ritus Romanus servandus ubique.*

23 In obitu eorum, qui Assistentes fuerunt, præter Sacra ordinaria, tria pro ipsis à Sacerdotibus, totidem vero Coronæ ab alijs: per totam eorum Assistentiam dicantur. Pro ijsdem, in reliquis Societatis Provincijs; pro Prouincialibus, in Prouincijs, quas gubernarunt: pro Secretario Generali, in tota Societate, vnum Sacrum fiat, & vna Corona recitetur. *Ex Dec. 23. in M.S. Act. 27.*

*Suffragia extraordinaria pro Assistentibus, Secretario, & Prouincialibus.*

## CANONES

## CONGREGATIONIS

## GENERALIS

## DECIMÆ.

*Administra  
ti, bonorū,*



EMO permittatur vllō  
prætextu suorum bono-  
rum nec administratio-  
nem, nec liberum vsum  
retinere, etiam illo qua-  
driennio, quo, cum fa-  
cultate, bonorum domi-

nium retinet. Decr. 2.

*Substituti  
in Congreg.  
Prouinciali,*

2 In quacunque Congregatione Pro-  
uinciali non solum electi, qui in Congrega-  
tione locum non habuerunt, sed etiam sub-  
stituti vocandi sunt, si commodè fieri pote-  
rit post electiones, ad negotiorum tractatio-  
nem. Decr. 3.

*Facultates  
Vicarij.*

3 Habet Vicarius Generalis omnem  
potestatem, & facultates ad gubernandam  
Societatem, quas habet Præpositus Genera-  
lis, exceptis ijs, quæ in officio Vicarij exce-  
pta sunt, nec à Cōgregationibus posteriori-  
bus sunt concessa: & ad illius intentionē dici  
debet Missa hebdomadaria, sicuti solet dici  
ad intentionē Generalis ipso viuente. Dec. 8.

Nomi-



4. Nominati ad regimen à Generali demortuo, & non audita eius morte, onus deprecantes, si videantur Vicario, & Assistentibus iustas afferre deprecationis causas; in priori statu maneant, nec vllò fruantur Superiorum priuilegio, donec aliud à nouo Generali statuatur. Decr. 9.

*Superiores  
nominati à  
Generalis  
defuncto.*

5. Si contingat ante inchoatam Congregationem, cum iam omnes Electores, vel duæ tertiæ aduenerunt, vel inchoata iam Congregatione, non dum tamen facta electione, P. Vicarium è viuís decedere; antiquissimis Assistentium Congregationi, & electioni præsidebit. Decr. 10.

*Præses Con-  
gregationis,  
moriens  
Vicario.*

6. In Congregationibus Prouincialibus suffragia videri semper debent tam à Secretario, quam à Prouinciali: neque vnquam publicari nisi à duobus saltem visa fuerint. Decr. 12.

*Suffragia  
in Congre-  
gatione Prouinciali.*

7. Si vnus, aut alter Examinatorum ex publicis de tota Theologia disputationibus iudicium formare non possit de sufficienti ad professionem doctrina respondentis, quorum tamen suffragium ad hoc tamen suffragium inquirat ab vno item, aut altero ex ijs, qui fortè disputationibus interfuerunt, viris grauib, eruditis, & iuratis. Quòd si ne hoc quidem sufficiat, recurratur ad examen, idque quàm primum, iuxta dicta in Decreto 13.

*Examinatores ad  
Professionem.*

8. Ordinarijs Sanctorum Litanijs, quæ

B

quo-

*Oratio de  
SS. Ignatio,  
et Xaverio.*

*Intercessio-  
nes exte-  
riorum.*

quotidie recitantur, addatur post Oratio-  
nem, Defende quæsumus &c. Oratio, Deus,  
qui glorificantes &c. in honorem Sancto-  
rum Ignatii, & Francisci Xaverii. Decr. 14.

9 Primam partem præcepti R. Muri  
piæ mem. de non procurandis externorum  
intercessionibus, aliquibus tantum Provin-  
cijs impositam, extendit ad omnes Pro-  
vincias, eamque suo Decreto confirmat  
hæc Congregatio, cum ijs cautionibus,  
quas adhibuerunt 8. & 9. Decr. 18.



**Index eorum, quæ continentur in Canonibus Congregationis Generalis Octauæ, Nonæ, & Decimæ.**

**A**mbientes etiam non Professos tenentur Professi vi voti denunciare.

*IX. 3.* appellationes reorum de ambitu non sunt admittendæ in Congregatione Prou. secus de recusationibus ex iusta causa. *IX. 17.*

Assistentes officio perfuncti locum habent in Congregatione Prou. suæ Assistentiæ. *IX. 15.* pro iisdem in morte sunt suffragia extraordinaria. *IX. 23.*

Bonorum Administratio, & liber usus Nostri, qui adhuc eorum dominium retinent, non permittatur. *X. 1.*

Casuum reservatorum ab solutio in parvis Collegijs, & Residentijs cuiam commissa. *Oct. 5.* & cui pro Rectoribus, & Provincialibus. *Oct. 7. & 8.* Casus omnes in Decreto

Clementis VIII. numerati in Societate sunt reservati. *IX. 5.*

Coadiutoribus fratribus matutina meditationis prædicta tradi debent. *Oct. 17.*

Collegia an possint admittere elemosynas. *Oct. 28.*

In Congregatione Generali quamdiu retineant ius suffragij Procuratores Indiarum. *IX. 15.* quis suppleat locum Provincialis absentis. *IX. 12.* Vicarij mortui locum quando ibi suppleat antiquissimus Assistentium. *X. 5.*

Congregationes Prou. Congregentur, ut moris est, posito Breui Innocentij Pontificis. *Oct. 2.* si electus ante finem Congregationis declaretur impeditus, eligatur alius ultimo loco substituendus. *Oct. 19.* Superiores Primarie Residentiæ Indicæ, & totius

Missionis Hollandiæ ad-  
mittendi ad Congregatio-  
nem Prou. Oct. 23. & 24.

Item Procurator Genera-  
lis Societatis supra nume-  
rum. Oct. 22. Procurato-  
res Indiarum in Lusita-  
nia & Barica quando sint

admittendi. Oct. 26. As-  
sistentes officio perfuncti  
locum habent in Congre-  
gatione Prou. sua Assi-

stentia. IX. 15. Visitator  
vi muneris non habet ius  
ad eam. IX. 17. qui cen-

sentur legitime impediti,  
nullum deinde ius ad il-  
lam habent. Oct. 25. do-

uæ compleantur omnes ele-  
ctiones etiam substituto-  
rum, sit subrogatio alio-

rum in locum absentium.  
Oct. 14. Substituti vocan-

di sunt si commode fieri  
potest, ad negotiorum tra-

ctationem. X. 2. suffra-  
gia nunquam publicanda,  
nisi a duobus visa. X. 6.

Cultus quotidianus Deiparae.  
IX. 21. 55. Ignatii &  
Francisci. X. 8.

Electio Vicarii Generalis  
quibus Professis competat.

IX. 11.

Examinatores ad Professio-  
nem explicent, an exami-  
natus mediocritatem atti-

gerit. Oct. 10. quomodo  
eorum iuramentum de do-  
ctrina intelligatur. Oct.

11. quot ad Professionem  
suffragia, quot ad Theo-  
logiæ annos requirantur.

Oct. 12. quot in examine  
Metaphysicorum. Oct. 15.

a quibus assignanda the-  
ses ad examen profes-  
sionis, & quando mu-

tanda. Oct. 13. si indi-  
cium formare nequeant  
ex publicis disputationi-

bus, quid agendum. X. 7.

Ab Exercitijs spiritualibus  
annuis eximere quemquā  
nequeunt Superiores loca-

les. Oct. 16.

Fugitivi e Societate incidunt  
in excommunicationem.  
IX. 2.

Ad Gradus & ad Guber-  
nandum sufficiunt quatuor  
Informatores. IX. 18.

Hu-

Humaniores litteras &  
 Grammaticam docere mu-  
 nus est Societatis. Ost. 1.  
 Intercessionis externorum  
 procuratio omnibus Pro-  
 uincijs prohibita X. 9.  
 Legata commutandi facultas  
 est penes solum Genera-  
 lem Ost. 18.  
 Magister Novitiorum ijs  
 explicet vim renouatio-  
 nis Votorum. Ost. 4.  
 Minister locum tenet Supe-  
 rioris absentis aut mortui,  
 nisi iste alium nominasset.  
Ost. 3.  
 Munus ordinarium, quo  
 fit applicatio Nostorum  
 alicui Provinciae, quod-  
 nam consendum. IX. 9.  
 Perturbatores Societatis  
 quinam censendi. IX. 1.  
 Præcepta durant etiam  
 mortuo vel amoto Supe-  
 riore, qui imposuit. IX.  
4.  
 Procurator Generalis ha-  
 bet suffragium actiuum  
 in Congregatione Pron.  
Ost. 22.  
 Procuratores Indiarum

quamdiu habeant ius ad  
 Congregationem Genera-  
 lem. IX. 13. idem degen-  
 tes in Lusitania & Bati-  
 ca quando admittendi ad  
 Congregationem Pron.  
Ost. 26.  
 Ad Professionem quatuor  
 Votorum quando quis  
 proponendus. IX. 20. re-  
 quiritur excessus in vir-  
 tute supra mediocritatem.  
IX. 19. quot suffragia  
 pro doctrina requirantur.  
Ost. 12. à quibus assignā-  
 da theses, & quando sint  
 mutanda. Ost. 13. Profes-  
 sio in manibus Prælati  
 quando inualida. Ost. 6.  
 Pronincialis indicat, an  
 ob talenta progredi in  
 Theologia possit, qui me-  
 diocritatem attingit. Ost.  
14. à quo possit absolui  
 de casibus reservatis. Ost.  
8. non habet facultatem  
 admittendi ad Probatio-  
 nem ante decimumquin-  
 tum, & ad vota ante de-  
 cimumseptimum ætatis  
 annum. Ost. 9. indicat cum  
 alijs

alijs de impedimento ad-  
eundi Congregationem  
Generalem. Oft. 25. quo-  
modo possit facere con-  
tractus in bonum Colle-  
giorum. Oft. 27. Provin-  
cialis absentis locus à quo  
supplendus in Congrega-  
tione Generali. IX. 12.  
quid agendum, si fiat  
inutilis in Europa, &  
quid in India. IX. 7. & 8.  
quinam de eius inutilitate  
iudicent in Indijs, IX. 8.  
Provinciali mortuo non  
succedunt VicePræpositi,  
aut Vice Rectores. IX. 10.  
pro eo sunt extraordina-  
ria suffragia. IX. 23.  
Renovatio Votorum ali-  
quando habet vim prime  
nuncupationis. Oft. 4.  
Ritus Romanus in Cere-  
monijs Ecclesiæ ubique  
servandus. IX. 22.  
Secretario societatis mor-  
tuo sunt suffragia extra-  
ordinaria. IX. 23.  
Superiori, cum domo, aut  
vita excedit, licet nomi-

nare alium à ministro, qui  
curam domus habeat. Oft. 3.  
à quo possit absolui de  
casibus reservatis. Oft. 7.  
eius officium quando in-  
cipiat. Oft. 20. quæ non  
sit eius autentica renun-  
ciatio. IX. 6. neminem ab  
exercitijs spiritualibus  
annuis eximat. Oft. 16. si  
nominatus Superior, post  
mortem Generalis onus  
deprecetur, quid facien-  
dum. X. 4.

Vicarius Generalis, mortuo  
Generali, potest dimittere  
Professs. Oft. 21. à qui-  
bus eligatur si non fuerit  
à Generali nominatus.  
IX. 11. quantæ eius pote-  
stas. X. 3. eius defuncti lo-  
cum quando suppleat an-  
tiquissimus Assistentium.  
X. 5.

Visitor non habet ius ad  
Congregationem Prou-  
vinciæ. IX. 16 si fiat  
inutilis in Indijs, quis id  
declaret, & quid agen-  
dum. IX. 8.